



楞伽阿跋多羅寶經義疏（三）

《楞伽阿跋多羅寶經》卷第一義疏下

天竺·求那跋陀羅三藏譯經

前來第三聖智事分別自性門。二正說八段中。二明淨除頓漸竟

明·蕩益大師疏義




△初標

復次大慧。有二種聲聞乘通分別相。(二並云。聲聞乘有二種差別相)謂得自覺聖差別相。(魏云。謂於內身證得聖相故。○唐云。所謂自證聖智殊勝相)及性妄想自性計著相(魏云。執著虛妄相分別有物故。○唐云。分別執著自性相。)

疏

通分別相者



△初正釋相

云何得自覺聖差別相聲聞。謂無常苦空無我境界。(唐云。謂明見苦空無常無我諸諦境界)真諦離欲寂滅。(唐云。離欲寂滅故)息陰界入自共相。外不壞相。如實知。(唐云。於陰界處。若自若共。外不壞相如實了知故)心得寂止。(唐云。心住一境)心寂止已。禪定解脫三味道果。正受解脫。(唐云。住一境已。獲禪解脫三味道果而得出離)不離習氣不思議變易死。得自覺聖樂住聲聞(唐云。住自證聖智境界樂。未離習氣及不思議變易死)是名得自覺聖差別相聲聞(唐云。是名聲聞乘自證聖智境界相。)

疏

言自覺聖差別相者

意顯聲聞  
但證生空聖智  
不證法空聖智  
故與大乘有差別也

五陰十八界十二入  
各有當體差別法相  
名為自相


同是  
無常  
苦空  
無我  
之相。名為共相

外不壞相者  
體法明空  
不同藏教析壞相也

禪者。根本四禪  
 定者。空等四定  
 解脫者。謂八解脫  
 三昧者。空無相無願三三昧也  
 道者。出世無漏道  
 果者。見地薄地離欲已辦諸果證也  
 正受解脫者。不受三界諸受而得出離也

習氣者  
 異熟識中  
 諸法種子  
 乃變易生死之因也


不思議變易死者  
 界外微細生住滅相  
 所謂真常流注  
 乃習氣所感之果也



### △二明差別

大慧。得自覺聖差別樂住菩薩摩訶薩。非滅門樂。正受樂。願愍眾生及本願。不作證。(唐云。菩薩雖亦得此聖智境界。以憐愍眾生故。本願所持故。不證寂滅門及三昧樂。)大慧。是名聲聞得自覺聖差別相樂。菩薩摩訶薩。於彼得自覺聖差別相樂。不應修學(唐云。諸菩薩於此自證聖智樂中。不應修學。)

疏




△初正釋相

大慧。云何性妄想自性計著相聲聞。所謂大種青黃赤白。堅濕煖動。非作生。(唐云。知堅濕煖動青黃赤白如是等法。非作者生)自相共相。先勝善說。見已。於彼起自性妄想。(唐云。然依教理。見自共相。分別執著。是名聲聞乘分別執著相。)


疏

——「初釋自覺聖相」竟——



△二勸知捨  
 菩薩摩訶薩。於彼應知應捨。隨入法無我相。滅人無我相見。漸次諸地相續建立。是名諸聲聞性妄想  
 自性計著相(唐云。菩薩於此法中。應知應捨。離人無我見。入法無我相。漸住諸地。)

疏



今明聲聞計著相者。自有二種

地水火風四大為能成  
色香味觸四微為所成

謂

地有堅性。是故  
目得之而為色  
鼻得之而為香  
舌得之而為味  
身得之而為觸  
水有濕性。故成色味觸三微  
火有煖性。故成色觸二微  
風有動性。故成觸微

此則

四大為實  
四微為假  
也

一計

四微為能成  
四大為所成

謂

地大由色香味觸四微所成。所以堅礙  
水大由色味觸三微所成。所以流潤  
火大由色觸二微所成。所以寄於草木  
風大唯一觸微所成。所以并無形質

此則

四微為實  
四大為假  
也

知此二種計著相已。方可破捨

初破四大為實有者

地堅若是實有。不應

遇風可散

又

金石最堅

不應遇火可鎔可燼

遇水可雜

遇土留滯

水濕若是實有。不應

遇火乾竭

火煖若是實有。不應遇水可滅

風動若是實有。不應遇塞可障

次破四微為實有者

色微

若非眼識所變。自實有者。應非眼識所緣

若許眼識雖不變色。能緣色者。耳鼻等識亦不變色。何不緣色

又眼識既不變色。而能緣色。不變聲等。何不能緣聲等

香味觸三。例此廣破

故知

四微

四大

皆非心外實有法也

而諸經論

或稱為能所八法者

正顯


離能無所

離所無能

能所

並是假施設有

並非實法故也





——「三辨聲聞通相」竟——

○四簡常不思議二  
初疑問  
二答釋

△初疑問  
爾時大慧菩薩摩訶薩白佛言。世尊。世尊所說常不思議自覺聖趣境界。及第一義境界。世尊。非諸外道所說常不思議因緣耶。(魏云。外道亦說常不可思議因果。此義云何。○唐云。將無同諸外道所說常不思議作者耶。)

疏






- 二答釋三
- 初簡異外道
  - 二簡異聲聞
  - 三正明不生

△初簡異外道


佛告大慧。非諸外道因緣得常不思議。(魏云。諸外道說常不可思議因果不成。○唐云。非諸外道作者得常不思議)所以者何。諸外道常不思議。不因自相成。(魏云。非因自相相應故。○唐云。因自相不成)若常不思議。不因自相成者。何因顯現常不思議。(唐云。既因自相不成。以何顯示常不思議)復次。大慧。不思議若因自相成者。彼則應常。由作者因相故。常不思議不成。(唐云。外道所說常不思議。若因自相成。彼則有常。但以作者為因相故。常不思議不成。)


疏



大慧。我第一義常不思議。第一義因相成。離性非性。(魏云。以離有無故。○唐云。遠離有無)得自覺相。故有相。(唐云。自證聖智所行相。故有相)第一義智因。故有因。(唐云。第一義智為其因。故有因)離性非性故。譬如無作。(唐云。離有無故。非作者)虛空涅槃滅盡故常。(唐云。如虛空涅槃。寂滅法故。常不思議)如是大慧。不同外道常不思議論。(唐云。是故我說常不思議。不同外道有所諍論)如是大慧。此常不思議。諸如來自覺聖智所得如是。(唐云。此常不思議。是諸如來自覺聖智所行真理)故常不思議自覺聖智所得。應當修學。(唐云。是故菩薩。當勤修學。)


疏





復次大慧。外道常不思議。無常性異相因故。非自作因相力故常。(唐云。以無常異相因故常。非自相因力故常)復次大慧。諸外道常不思議。於所作性非性無常。見已。思量計常。(唐云。外道常不思議。以見所作法有已還無。無常已。比知是常。)

疏



大慧。我亦以如是因緣所作者。性非性無常。見已。自覺聖境界。說彼常無因(唐云。我亦見所作法有已還無。無常已。不因此說為常。)

疏

此正顯示  
佛所自證常不思議  
不同外道。但因無常而比知也

謂我了知  
正因緣所生諸法  
初生即滅。性皆非性  
所謂  
因緣和合。虛妄有生。其生也無來處  
因緣別離。虛妄名滅。其滅也無去處

譬如  
空花  
夢境  
乃證自覺聖智境界  
心外無法  
豈因所作無常。妄計能作是常哉  
彼既因於無常。比知計常。則常乃無因矣

大慧。若復諸外道因相。成常不思議因。自相性非性。同於兔角。(唐云。外道以如是因相。成常不思議因。此相非有。同於兔角)此常不思議。但言說妄想。諸外道輩。有如是過。所以者何。謂但言說妄想。同於兔角。自因相。非分。(唐云。故常不思議。唯是分別。但有言說。何故。彼因同於兔角。無自相因故。)


疏

此正譬顯  
外道說常  
無自因相也

夫因所作無常  
妄計能作是常  
何異  
見牛角可析是無常  
計兔角不可析是常  
耶  
以所作諸法無常。乃舉世之所同見。譬如牛角  
而能作之神我冥諦等是常。乃舉世之所不見。譬如兔角  
故也

大慧。我常不思議。因自覺得相故。離所作性非性故常。(唐云。以自證為因相)非外性非性無常。思量計常。(唐云。不以外法有已還無。無常為因)大慧。若復外性非性無常。思量計常不思議常。而彼不知常不思議。自因之相。去得自覺聖智境界相遠。彼不應說。(唐云。外道反此。曾不能知常不思議。自因之相。而恆在於自證聖智所行相外。此不應說。)

疏




△二簡異聲聞

復次大慧。諸聲聞畏生死妄想苦而求涅槃。不知生死涅槃差別一切性。妄想非性。(魏云。不知世間涅槃無差別故。○唐云。不知生死涅槃差別之相。一切皆是妄分別有。無所有故)未來諸根境界休息。

——「初簡異外道」竟——

作涅槃想。(唐云。妄計未來諸根境滅。以為涅槃)非自覺聖智趣。藏識轉。(唐云。不知證自智境界。轉所依藏識為大涅槃)是故凡愚說有三乘。(唐云。彼愚痴人。說有三乘)說心量趣無所有。(魏云。而不能知惟心相滅。得寂靜法。○唐云。不說惟心無有境界)是故大慧。彼不知過去未來現在諸如來自心現境界。(唐云。彼人不知去來現在諸佛所說自心境界)計著外心現境界。生死輪常轉。(唐云。取心外境。常於生死。輪轉不絕。)

疏





△三正明不生

復次大慧。一切法不生。是過去未來現在諸如來所說。所以者何。謂自心現性非性。離有非有生故。(唐

云。何以故。自心所見非有性故。離有無生故。大慧。一切性不生。一切法如兔馬等角。是愚癡凡夫不實妄想自性妄想故。(唐云。如兔馬等角。凡愚妄取)大慧。一切法不生。自覺聖智趣境界者。一切性自性相不生。非彼愚夫妄想二境界。(唐云。唯自證聖智所行之處。非諸愚夫二分別境)自性身財建立趣自性相。大慧。藏識攝所攝相轉。(魏云。是阿梨耶識。身資生器世間去來自體相故。見能取可取轉故。○唐云。大慧。身及資生器世間等。一切皆是藏識影像。所取能取二種相現。)愚夫墮生住滅二見。希望一切性生。有非有妄想生。非聖賢也。大慧。於彼應當修學(唐云。彼諸愚夫。墮生住滅二見中故。於中妄起有無分別。大慧。汝於此義。當勤修學。)

疏







○五明種性差別三  
 初標名  
 二釋相  
 三會通

——「四簡常不思議」竟——

△初標名  
 復次大慧。有五無間種性。(魏云。我說五種乘性證法。○唐云。有五種種性。)云何為五。謂聲聞乘無間種性。(魏云。聲聞乘性證法。○唐云。聲聞乘種性。)緣覺乘無間種性。(魏云。辟支佛乘性證法。○唐云。緣覺乘種性)如來乘無間種性。(魏云。如來乘性證法。○唐云。如來乘種性。)不定種性。(唐同。○魏云。不定乘性證法)各別種性。(魏云。無性證法。○唐云。無種性。)

疏








△初釋聲聞乘性

云何知聲聞乘無間種性。若聞說得陰界入自共相斷知時。(唐云。若聞說於蘊界處自相共相若知若證)舉身毛孔熙怡欣說。及樂修相智。(唐云。舉身毛豎。心樂修習。)不修緣起發悟之相。(唐云。於緣起相。不樂觀察)是名聲聞乘無間種性。聲聞無間見。(唐云。彼於自乘見所證已。)第八地起煩惱斷。習煩惱不斷。(魏云。謂初地中乃至五地六地離諸煩惱。同已所離故。熏習無明煩惱故。○唐云。於五地六地斷煩惱結。不斷煩惱習。)不度不思議變易死。度分段死。正師子吼。我生已盡。梵行已立。(二譯皆更有所作已辦句。)不受後有。如實知修習人無我。乃至得般涅槃覺(魏云。如是等得入人無我。乃至生心。以為得涅槃故。○唐云。修習人無我。乃至生於得涅槃覺。)

疏









正師子吼者。已得證四諦之聖智。故於三界無畏。如師子也  
 我生已盡者。苦諦智也  
 梵行已立者。道諦智也  
 所作已辦者。滅諦智也  
 不受後有者。集諦智也  
 修習人無我者。聲聞因也  
 得般涅槃覺者。聲聞果也

○二釋各別種性二  
 初敘計  
 二結斥

△初敘計  
 大慧。各別無間者。我人眾生壽命長養士夫。彼諸眾生。作如是覺求般涅槃。(魏云。復有餘外道。求證涅槃。而作是言。覺知我人眾生壽命作者受者丈夫。以為涅槃。○唐云。復有眾生。求證涅槃。言能覺知我人眾生養者取者。此是涅槃)復有異外道說。悉由作者。見一切性已。言此是般涅槃(魏云。復有餘外道。見一切諸法。依因而有。生涅槃心故。○唐云。復有說言。見一切法因作者有。此是涅槃。)

疏 此明凡外我法二執。於非涅槃法中妄計涅槃也





如近世天主邪教

計有天主無始無終。能生萬物  
若奉天主。則能生天永受天樂  
亦其類也

○二結斥又二

初正斥外道  
二兼斥聲聞

△初正斥外道

作如是覺。法無我見非分。彼無解脫。(魏云。彼諸外道無涅槃解脫。以不見法無我故。○唐云。彼無解脫。以未能見法無我故。)

疏

外道并不見人無我

而但斥云不見法無我者

以彼

既發求證涅槃之心

亦得引入三藏析法拙度故也

然此凡外我法二執不斷

則聲聞所證解脫

彼亦非分矣

又據二譯

則第五各別種性  
名無種性

自於一闡提中釋之

今文仍是釋聲聞乘。所謂附佛法之外道耳

△二兼斥聲聞

大慧。此諸聲聞乘無間外道種性。不出出覺。為轉彼惡見故。應當修學（魏云。是名聲聞乘外道性。於非離處而生離想。汝應轉此邪見。修行如實行故。○唐云。此是聲聞乘及外道種性。於未出中。生出離想。應勤修學。捨此惡見。）

疏

外道不出分段生死

聲聞不出變易生死

皆自妄作出生死覺

菩薩所應轉捨也

——「二釋各別種性」竟——

△三釋緣覺乘性


大慧。緣覺乘無間種性者。若聞說各別緣無間（魏云。謂聞說緣覺證法。○唐云。謂若聞說緣覺乘法。）舉身毛豎。悲泣流淚。不相近緣。（魏云。不樂憤鬧故。○唐云。離憤鬧緣）所有不著。（魏云。觀察諸因緣法故。不著諸因緣法故。○唐云。無所染著）種種自身。種種神通。若離若合。種種變化。聞說是時。其心隨入。（魏云。聞說自身種種神通。若離若合種種變化。其心隨入故。○唐云。有時聞說現種種身。或聚或散。神通變化。其心信受。無所違逆。）若知彼緣覺乘無間種性已。隨順為說緣覺之乘。是名緣覺乘無間種性相。

疏

十二緣生

此有故彼有


其相各別。而皆無間





△四釋如來乘性

大慧。彼如來乘無間種性有四種。(唐云。如來乘種性所證法有三種)謂自性法無間種性。(魏云。一者證實法性)離自性法無間種性。(魏云。二者離實法證性。○唐云。所謂自性無自性法。)得自覺聖無間種性。(魏云。三者自身內證聖智性。○唐云。內身自證聖智法)外剎殊勝無間種性。(魏云。四者外諸國土勝妙莊嚴證法性。○唐云。外諸佛剎廣大法。)大慧。若聞此四事一一說時。及說自心現身財建立不思議境界時。心不驚怖者。是名如來乘無間種性相(魏云。若聞說此一一法時。但阿黎耶心。見外身所依資生器世間。不可思議境界。不驚不怖不畏者。當知是證如來乘性人。是名如來乘性證法人相。○唐云。若有聞說此一一法。及自心所現身財建立阿賴耶識不思議境。不驚不怖不畏。當知是如來乘性。)

疏








△五釋不定性  
 大慧。不定種性者。謂說彼三種時。隨說而入。隨彼而成（魏云。若人聞說此三種法。於一一中有所樂者。隨順為說。○唐云。謂聞說彼三種法時。隨生信解。而順修學。）

疏



夫  
 聲聞無間種性。止喜聞聲聞法。不樂緣覺及如來法  
 緣覺無間種性。止喜聞緣覺法。於聲聞法必所不屑。於如來法必未能信  
 如來乘無間種性。既於不思議境不驚怖畏。必不志求二乘之法

今云隨聞隨生信解  
 故知非彼三無間種  
 但名為不定也






——「二釋相」竟——



△初為實施權  
大慧。此是初治地者。謂種性建立。為超入無所有地故。作是建立（魏云。說三乘者。為發起修行地故。說諸性差別。非究竟地。為欲建立畢竟能取寂靜之地故。○唐云。為初治地人而說種性。欲令其入無影像地。作此建立。）


疏



△二開權顯實

彼自覺藏者。自煩惱習淨。見法無我。得三昧樂。住聲聞。當得如來最勝之身（魏云。彼三種人。離煩惱障重習。得清淨故。見法無我。得三昧樂行故。聲聞緣覺畢竟證得如來法身故。○唐云。彼住三昧樂聲聞。若能證知自所依識。見法無我。淨煩惱習。畢竟當得如來之身。）

疏




△二偈頌

爾時世尊。欲重宣此義而說偈言。須陀槃那果。往來及不還。逮得阿羅漢。是等心惑亂。（魏云。逆流

——「初長文」竟——

修無漏。往來及不還。應供阿羅漢。是等心惑亂。○唐云。預流一來果。不還阿羅漢。是等諸聖人。其心悉迷惑。三乘與一乘。非乘我所說。○魏云。我說於三乘。一乘及非乘。○唐云。我所立三乘。一乘及非乘。愚夫少智慧。諸聖遠離寂。○唐云。為愚夫少智。樂寂諸聖說。第一義法門。遠離於二教。○唐作二取。住於無所有。○唐作無境界。何建立三乘。○魏云。建立於三乘。為住寂靜處。諸禪無量等。無色三摩提。受想悉寂滅。○魏云。無想定滅盡。○唐云。乃至滅受想。亦無有心量。○魏云。亦皆心中無。○唐云。唯心不可得。

疏




——「初會三乘」竟——



△初總標

大慧。彼一闡提。非一闡提。世間解脫誰轉。大慧。一闡提有二種。一者捨一切善根。及於無始眾生發願（魏云。何者無性乘。謂一闡提。大慧。一闡提者。無涅槃性。何以故。於解脫中不生信心。不入涅槃。大慧。一闡提者有二種。何等為二。一者焚燒一切善根。二者憐憫一切眾生。作盡一切眾生界願。○唐云。此中一闡提。何故於解脫中不生欲樂。以捨一切善根故。為無始眾生起願故。）

疏




○二別釋二  
 初釋捨善根  
 二釋發大願

△初釋捨善根

云何捨一切善根。謂謗菩薩藏。及作惡言。此非隨順修多羅毗尼解脫之說。捨一切善根故。不般涅槃。

疏




△二釋發大願

二者菩薩本自願方便故。非不般涅槃。一切眾生而般涅槃。大慧。彼般涅槃。是名不般涅槃法相。此亦到一闍提趣（魏云。憐愍眾生。作盡眾生界願者。是為菩薩。大慧。菩薩方便作願。若諸眾生不入涅槃者。我亦不入涅槃。是故菩薩摩訶薩不入涅槃。是名二種一闍提。無涅槃性。以是義故。決定取

一闡提行。○唐云。云何為無始眾生起願。謂諸菩薩以本願方便。願一切眾生悉入涅槃。若一眾生未涅槃者。我終不入。此亦住一闡提趣。此是無涅槃種性相。)

疏



——「初正明二種闡提」竟——

○二問答會通二





△初問

大慧白佛言。世尊。此中云何畢竟不般涅槃。(魏云。此二種一闡提。何等一闡提。常不入涅槃。)

△二答

佛告大慧。菩薩一闡提者。知一切法本來般涅槃已。畢竟不般涅槃。(魏云。菩薩一闡提。常不入涅槃。何以故。以能善知一切諸法本來涅槃。是故不入涅槃)而非捨一切善根一闡提也。大慧。捨一切善根一闡提者。復以如來神力故。或時善根生。(魏云。彼捨一切善根闡提。若值諸佛善知識等。發菩提心。生諸善根。便證涅槃。)所以者何。謂如來不捨一切眾生故。以是故菩薩一闡提不般涅槃。






○六明三自性相三  
 初標  
 二釋  
 三結


——「五明種性差別」竟——

△初標

復次大慧。菩薩摩訶薩。當善三自性。(魏云。三法自體相。○唐云。三自性相)云何三自性。謂妄想自性。(魏云。虛妄分別名字相。○唐云。妄計自性。)緣起自性。(魏云。因緣法體自相)成自性。(魏云。第一義諦法體相。○唐云。圓成自性。)

疏






△初釋妄想自性

大慧。妄想自性。從相生。大慧白佛言。世尊。云何妄想自性從相生。佛告大慧。緣起自性事相相。行顯現事相相。計著有二種妄想自性。如來應供等正覺之所建立。(唐云。謂彼依緣起事相種類顯現。生計著故。大慧。彼計著事相。有二種妄計性生。是諸如來之所演說。)謂名相計著相。及事相計著相。名相計著相者。謂內外法計著。(唐云。謂計著內外法)事相計著相者。謂即彼如是內外自共相計著。(唐云。謂即彼內外法中計著自共相)是名二種妄想自性相。

疏




計著於名。妄想分別內外諸法。是名相計著相也  
 計著於相。妄想分別內外法中自共相等。是事相計著相也

故  
 唯識云。次所徧計。自性云何  
 攝大乘說。是  
 徧計心 依他起  
 等所緣緣故  
 此之謂也

△二釋緣起自性


若依若緣生。是名緣起(唐云。從所依所緣起。是緣起性。)

疏



言所依者  
 第八現行。為根本依  
 第七現行。為染淨依  
 第六現行。為分別依  
 第八所藏種子。為種子依  
 前五識。以五淨色根為不共親依  
 第六。以第七為不共親依  
 第七第八。更互為依

諸心所法各依心王而得同起。故名依也




心所所緣。同於心王。故名緣也



△三釋成自性

云何成自性。謂離名相事相妄想。聖智所得。及自覺聖智趣所行境界。是名成自性如來藏心（魏云。謂諸佛如來離名字相境界相事相相。聖智修行境界行處。是名第一義諦相。諸佛如來藏心。○唐云。謂離名相事相一切分別。自證聖智所行真如。此是圓成自性如來藏心。）

疏




△三結

爾時世尊。欲重宣此義。而說偈言。名相覺想。(二作分別)自性二相。正智如如。是則成相。

疏

此以五法攝三性也



疏

大慧。是名觀察五法自性相經。自覺聖智趣所行境界。汝等諸菩薩摩訶薩。應當修學。

正智如如  
是成自性  
可稱自覺聖智趣所行境界

名相  
覺想  
乃  
緣起  
妄想  
自性。何得是自覺聖智趣所行耶

一者正智如如  
體外別無名相及覺想故  
能了名相覺想無性  
即是正智及如如故

當知此有二義

二者

聖人既證正智如如  
眾生沒於名相覺想。所以不達正智如如

即能善知眾生  
名相覺想種種差別稠林  
應病  
與藥  
令得破除故

所謂了俗由證真。故說為後得也

○七明二無我相二

初標  
二釋


——「六明三自性相」竟——

△初標

復次大慧。菩薩摩訶薩。善觀二種無我相。云何二種無我相。謂人無我。及法無我。(魏云。人無我智。

法無我智。○唐云。人無我相。法無我相。)

疏



○二釋為二


初釋人無我


二釋法無我

△初釋人無我

云何人無我。謂離我我所陰界入聚。無知業愛生。(唐云。謂蘊界處。離我我所。無知愛業之所生起。) 眼色等攝受計著生識。(唐云。眼等識生。取於色等而生計著) 一切諸根自心現器身藏。自妄想相施設顯示。(唐云。又自心所見身器世間。皆是藏心之所顯現。) 如河流。如種子。如燈。如風。如雲。剎那展轉壞。(唐云。剎那相續。變壞不停。) 躁動如猿猴。樂不淨處如飛蠅。無厭足如風火。(唐云。如猛火) 無始虛偽習氣因。如汲水輪。生死趣有輪。(唐云。諸有趣中。流轉不息。如汲水輪。) 種種身色。如幻術神呪機發像起。(唐云。種種色身威儀進止。譬如死屍。呪力故行。亦如木人。因機運動。) 善彼相知(唐云。若能於此善知其相) 是名人無我智。

疏






△初明觀

云何法無我智。謂覺陰界入妄想相自性。(唐云。謂知蘊界處是妄計性)如陰界入離我所。陰界入積聚。因業愛繩縛。(唐云。唯共積聚愛業繩縛。)展轉相緣生。無動搖。(唐云。互為緣起。無能作者。)諸法亦爾。離自共相。不實妄想相。妄想力。(唐云。蘊等亦爾。離自共相。虛妄分別種種相現。)是凡夫生。非聖賢也。(唐云。愚夫分別。非諸聖者。)心意識五法自性離故。(唐云。如是觀察一切諸

法。離心意意識五法自性。(大慧。菩薩摩訶薩。當善分別一切法無我。(唐云。是名菩薩摩訶薩法無我智。)

疏



△二顯益

善法無我菩薩摩訶薩。不久當得初地菩薩無所有觀。地相觀察。開覺歡喜。(唐云。得此智已。知無境界。了諸地相。即入初地。心生歡喜)次第漸進。超九地相。得法雲地。(唐更有云。諸有所作。皆悉已辦。)於彼建立無量寶莊嚴大寶蓮華王像大寶宮殿。(唐云。住是地已。有大寶蓮華王。眾寶莊嚴。於其華上。有寶宮殿。狀如蓮華)幻自性境界修習生。於彼而坐。(唐云。菩薩往修幻性法門之所成就。而坐其上。)同一像類諸最勝子眷屬圍繞。(唐云。同行佛子。前後圍繞。)從一切佛剎來佛手灌頂。如轉輪聖王太子灌頂。(唐云。一切佛剎所有如來。皆舒其手。如轉輪王子灌頂之法而灌其頂)超佛子地。到自覺聖智法趣。(唐云。獲自證法。)當得如來自在法身。見法無我故。是名法無我相。汝等諸菩薩摩訶薩。應當修學。

疏

當得初地。別教菩薩見道位也

而云不久當得

又云漸進超九地相等

則是借別明圓

不同歷別權行

定經爾所劫數也

大寶蓮華王宮殿

具如華嚴所明

不同色究竟天帶劣勝應而已

○八破建立誹謗二

初問  
二答

△初問

——「七明二無我相」竟——

爾時大慧菩薩摩訶薩復白佛言。世尊。建立誹謗相。唯願說之。令我及諸菩薩摩訶薩。離建立誹謗二邊惡見。疾得阿耨多羅三藐三菩提。覺已。離常建立斷誹謗見。不謗正法。(唐云。得菩提已。破建立常。誹謗斷見。令於正法不生毀謗。)

○二答二


初偈略答  
二長文廣答

△初偈略答

爾時世尊。受大慧菩薩請已。而說偈言。建立及誹謗。無有彼心量。身受用建立。及心不能知。愚癡無智慧。建立及誹謗。(魏云。心中無斷常。身資生住處。惟心愚無智。無物而見有。○唐云。身資財所住。皆唯心影像。凡愚不能了。起建立誹謗。所起但是心。離心不可得。)

疏

此明不達唯心



及心及字。應作唯字

○二長文廣答三


初標四種建立及釋誹謗  
二重釋四種建立  
三結勸應離

△初標四種建立及釋誹謗

爾時世尊。於此偈義復重顯示。告大慧言。有四種非有有建立。云何為四。謂非有相建立。(魏云。建立非有相。○唐云。無有相建立相)非有見建立。(魏云。建立非正見相。○唐云。無有見建立見。)非有因建立。(魏云。建立非有因相。○唐云。無有因建立因)非有性建立。(魏云。建立非有體相。○唐云。無有性建立性)是名四種建立。又誹謗者。謂於彼所立無所得。觀察非分而起誹謗。(魏云。何者是謗相。大慧。觀察邪見所建立法。不見實相。即謗諸法。言一切無。○唐云。誹謗者。謂於諸惡見所建立法。求不可得。不善觀察。遂生誹謗。)是名建立誹謗相。

疏

一切諸法。皆唯心現






△二重釋四種建立。  
 復次大慧。云何非有相建立相。謂陰界入。非有自共相。而起計著。此如是。此不異。是名非有相建立相。此非有相建立妄想。無始虛偽過種種習氣計著生。


疏


迷於自心現量。妄見有陰界入



大慧。非有見建立相者。若彼如是陰界入。我人眾生壽命長養士夫見建立。是名非有見建立相。

疏







乃於此妄立十六知見。何異  
 計繩為蛇  
 疑杵為鬼  
 哉

大慧。非有因建立相者。謂初識無因生。後不實如幻。本不生。眼色明界念。前生生已。實已還壞。是名非有因建立相（魏云。謂初識不從因生。本不生。後時生。如幻本無。因物而有。因眼色明念故識生。生已還滅。是名建立非有因相。○唐云。謂初識前無因不生。其初識本無。後眼色明念等為因。如幻生。生已有。有還滅。是名無有因建立因。）

疏





大慧。非有性建立相者。謂虛空。滅。般涅槃。非作。計著性建立。(魏云。謂虛空。滅。涅槃。無作無物。建立執著。○唐云。謂於虛空。涅槃。非數滅。無作性。執著建立)此離性非性。(魏云。彼三法離有無故)一切法如兔馬等角。如垂髮現。離有非有。(魏云。一切諸法。如兔馬驢駝角毛輪等故。離有無建立相故。○唐云。一切諸法。離於有無。猶如毛輪兔馬等角)是名非有性建立相。

疏

離諸障礙。故名虛空無為

不由擇力

本性清淨

或緣闕所顯

故名為滅。即非擇滅無為。唐譯所謂非數滅也

由簡擇力

滅諸雜染

究竟證會

名般涅槃。即擇滅無為也

此三無為

本皆非作

但依法性假施設有

而諸凡外及與愚小


計著無為是實有性

不知

心外無法故離性

唯心施設故離非性


也



——「二重釋四種建立」竟——

△三結勸應離  
 建立及誹謗。愚夫妄想。不善觀察自心現量。非聖賢也。(唐云。皆是凡愚不了唯心而生分別。非諸聖者。)是故離建立誹謗惡見。應當修學。

疏



不知心性無生無滅。謂識因於外法得生。是建立也

推求因相不得實義。便撥唯識十因四緣等法一總都無。是誹謗也

妄計心外有三無為凝然不變。名為常法。是建立也

推求無為體性不可見聞。便撥聖智所證離戲論法一總都無。是誹謗也

皆由不善觀察自心現量故也


——「八破建立誹謗」竟——  
——「二正說」竟——

### △三結益

復次大慧。菩薩摩訶薩。善知心意意識五法自性二無我相趣究竟。為安眾生故。作種種類像。如妄想自性處。依於緣起。(唐云。如依緣起。起妄計性。)譬如眾色如意寶珠。普現一切諸佛刹土。一切如來大眾集會。悉於其中聽受佛法。所謂一切法如幻。如夢。光。(唐云。如影。)影。(唐云。如鏡中像)水月。(唐云。如水中月)於一切法離生滅斷常。及離聲聞緣覺之法。(唐云。遠離生滅及以斷常。不住聲聞辟支佛道)得百千三昧。乃至百千億那由他三昧。(唐云。聞已。成就無量億那由他百千三昧。)得三昧已。游諸佛刹。供養諸佛。生諸天宮。宣揚三寶。示現佛身。聲聞菩薩大眾圍繞。以自心現量度脫眾生。分別演說外性無性。悉令遠離有無等見。(唐云。說外境界。皆唯是心。悉令遠離有無等執。)爾時世尊。欲重宣此義而說偈言。心量世間。佛子觀察。種類之身。離所作行。得力神通。自在成就(唐云。佛子能觀見。世間唯是心。示現種種身。所作無障礙。神通力自在。一切皆成就。)

疏

善知心意等趣究竟。證淨分真實性也  
 為安眾生。乃本願所熏。即淨分依他性也  
 作種種像類。普現佛土。即淨分分別性也



——「第三聖智事分別自性門」竟——


○第四空無生無二離自性門三  
 初問 二許 三答


△初問

爾時大慧菩薩摩訶薩復請佛言。唯願世尊。為我等說一切法空無生無二離自性相。我等及餘諸菩薩眾。覺悟是空無生無二離自性相已。離有無妄想。疾得阿耨多羅三藐三菩提。


疏

既知諸法唯心






△二許  
爾時世尊。告大慧菩薩摩訶薩言。諦聽諦聽。善思念之。今當為汝廣分別說。大慧白佛言。善哉世尊。唯然受教。



△初總明說空等意

佛告大慧。空空者。即是妄想自性處。(魏云。空者即是妄想法體句。○唐云。空者。即是妄計性句義)大慧。妄想自性計著者。說空無生無二離自性相。(魏云。依執著妄想法體。說空無生無體相不二。○唐云。為執著妄計自性故。說空無生無二無自性。)



△二別說七種空

大慧。彼略說七種空。謂相空。性自性空。(魏云。一切法有物無物空。○唐云。自性空)行空。無行空。(魏云。不行空)一切法離言說空。(魏云。一切法無言空。○唐云。一切法不可說空。)第一義聖智大空。彼彼空。

疏

此明空本非數

約義說七也

上標下釋

云何相空。謂一切性自共相空。觀展轉積聚故。(唐云。展轉積聚互相待故。)分別無性。(唐云。分析推求無所有故。)自共相不生自他俱性無性。(唐云。自他及共皆不生故)故相不住。(唐云。自共相無生亦無住。)是故說一切性相空。是名相空。(唐云。是故名一切法自相空。)

疏

色心當體。名為自相

無常生滅。名為共相

離色心無生滅

離生滅無色心

故云展轉觀待也

又就凡愚所計言之。如

微塵不壞。名為自相


泥團可壞。名為共相

然

離微塵則無泥團

離泥團亦無微塵

展轉觀待。妄有積聚



云何性自性空。謂自己性自性不生。是名一切法性自性空。是故說性自性空。(唐云。謂一切法自性不生。是名自性空。)

疏

前約自共相展轉觀待而明空  
此約諸法當體而明空也



云何行空。謂陰離我我所。因所成。所作業方便生。是名行空。(唐云。所謂諸蘊由業及因和合而起。離我我所。是名行空。)


疏

遷流造作。名之為行




大慧。即此如是行空。展轉緣起自性無性。是名無行空。(唐云。所謂諸蘊本來涅槃。無有諸行。是名無行空。)

疏




云何一切法離言說空。謂妄想自性無言說故。一切法離言說。(唐云。謂一切法妄計自性無可言說。)  
是名一切法離言說空。

疏




云何一切法第一義聖智大空。謂得自覺聖智。一切見過習氣空。（魏云。離諸邪見熏習之過）是名一切法第一義聖智大空。

疏



云何彼彼空。謂於彼無彼空。（魏云。彼法無。此法有。彼法有。此法無。○唐云。謂於此無彼。）是名彼彼空。大慧。譬如鹿子母舍。無象馬牛羊等。非無比丘眾。而說彼空。非舍舍性空。（唐云。非謂堂無堂自性）亦非比丘比丘性空。（唐云。非謂比丘無比丘自性）非餘處無象馬。（唐云。非謂馬牛羊）是名一切法自相。彼於彼無彼。是名彼彼空。（唐云。一切諸法自共相。彼彼求不可得。是故說名彼彼空。）

疏



如毘舍佉優婆夷所造精舍

不畜象馬等。名精舍空

非無比丘

非無精舍

亦非謂他處無象馬也

是名七種空。彼彼空者。是空最粗。汝當遠離。

疏

此結成七種空。兼誠遠離彼彼空見也

既誠遠離是空

即勸修前六空

於前六中

初之二種。總治法執習氣

行空。為治我執習氣

無行空。為治有支習氣

離言說空。為治名言習氣

第一義大空。正顯自覺聖智境界也

——「初答空」竟——

△二答無生

大慧。不自生。非不生。(唐云。無生者。自體不生。而非不生)除住三昧。是名無生。(唐同。○魏云。自體不生。而非不生。依世諦故。說名為生。依本不生。故言不生。)

疏

諸法如翳見空華

華無自體。故云不生

翳者見華。故非不生

除住三昧者。如

翳病既除  
知花生

故名無生也

### △三超答離自性

離自性。即是無生。(魏云。我說無體性者。一切諸法體本不生。○唐云。無自性者。以無生故。密意而說)離自性。剎那相續流注及異性現。一切性離自性。(唐云。一切法無自性。以剎那不住故。見後變異故。是名無自性。)是故一切性離自性。

疏

譬如空花無生。故離自性

以空花無自性故

剎那流注。變異不常  
一切諸法。無不皆爾也

### △四追答無二

云何無二。謂一切法如陰熱。(魏云。日光影。○唐云。如光影)如長短。如黑白。(唐更有云。皆相待立。獨則不成)大慧。一切法無二。非於涅槃彼生死。非於生死彼涅槃。(唐云。非於生死外有涅槃。非於涅槃外有生死。)異相因有性故。(唐云。生死涅槃無相違相。)是名無二。如涅槃生死。一切法亦如是。(唐云。如生死涅槃。一切法亦如是。是名無二相。)

疏

陰熱者  
 日光所照則熱  
 有影之處則陰  
 故二譯皆云光影也

夫  
 有光方得有影。有影方顯有光  
 有長方顯於短。有短方顯於長  
 黑白互顯。亦復如是  
 此皆是二。而云無二者  
 由  
 相待互顯  
 獨則不成  
 故也

獨既不成  
 待豈有實  
 設生死外有涅槃。則涅槃便有方隅處所。體非徧常  
 設涅槃外有生死。則生死便有決定體性。應不可脫  
 譬如  
 水之成冰。不可謂水外有冰  
 冰還成水。不可謂冰外有水

夫所謂異相者  
 必因於有性故  
 今  
 涅槃  
 生死  
 既如水之與冰  
 唯一濕性  
 非別有性  
 又豈有異相哉

涅槃生死。尚自無二  
 一切諸法。例皆可知  
 故名無二相也


○二總答又二  
 初勸修重頌  
 二誠令依義

△初勸修重頌

——「初別答」竟——

是故空。無生。無二。離自性相。應當修學。爾時世尊。欲重宣此義而說偈言。我常說空法。遠離於斷常。生死如幻夢。而彼業不壞。虛空及涅槃。滅二（唐作度）亦如是。愚夫作妄想。諸聖離有無。


疏




△二誠令依義

爾時世尊。復告大慧菩薩摩訶薩言。大慧。空。無生。無二。離自性相。普入諸佛一切修多羅。凡所有經。悉說此義。諸修多羅。悉隨眾生希望心故。為分別說。顯示其義。而非真實在於言說。如鹿渴想。誑惑羣鹿。（唐云。譬如陽燄。誑惑諸獸。）鹿於彼相。計著水性。而彼無水。（唐云。令生水想。而實無水。）如是一切修多羅所說諸法。為令愚夫發歡喜故。非實聖智在於言說。是故當依於義。莫著言說。

疏





——「第四空無生無二離自性門」竟——

《楞伽阿跋多羅寶經》卷第一義疏下